

# लहना

व्यावसायिक पत्रकारिता, थौंया आवश्यकता

LAHANA WEEKLY

वा:पौ

सा:गु भिंगु मरिचरिया नितिं  
लुमंका दिसँ ।लक्ष्मण रामाल 'चिलिमि'  
प्रोप्राइटर

लाखा छँ

LAKHA CHHEN

सोह्रखुटे, वडा नं. १६, चै, फोन नं.: ८३६०७५८

## थुकि दुने

हाकरन नेता प्रदेशया चर्चा  
सानुराजा शाक्य - २भावना व भविष्यया संघारय प्रदेश व  
प्रतिनिधिसभाया निर्वाचन  
राजेश बज्राचार्य - ३यु-१९ एसिया कप छनोट कासा लुमके  
बहःगु नेपा:या प्रदर्शन  
प्रजित शाक्य - ६प्रदेश नं. ३ चै जिल्ला क्षेत्र नं ८  
या प्रतिनिधि सभा व प्रदेश सभाया  
उम्मेदवारपिनिगु प्रतिबद्धता  
(पेज ४-५)

# चुनाव लिपा स्वंगू शक्तिया समिकरण

वाम गठबन्धनया तुलनाय् कांग्रेस आक्रमक

लहना संवाददाता

वङ्गु मंसीर १० व २१ गते याना निगू चरणया प्रतिनिधिसभा व प्रदेशसभाया निर्वाचन जूवनाच्वंगु दुसा चुनावया लिचवः गुज्वःगु वङ्गु धका: नं मनुतयुसं बिचा: यानाहःगु दु । एमाले व माओवादी केन्द्र जाना वाम गठबन्धन दय्का मंका: उम्मेदवार थनेगु ज्या यानाच्वंगु दुसा वाम गठबन्धनपारखें आ: दुई तिहाई बहुमत थःपिनिगु पक्षय् वङ्गु धका: दावी यानाच्वंगु दु ।

वाम गठबन्धनया दथुई अन्तर्गत मजुल धा:सा अ:पुक हे बहुमत हङ्गु धका: मनुतयुसं धाय्गु याना वयाच्वंगु दुसा न्हापा एमाले व माओवादी केन्द्रया नेतानिसें कार्यकर्तातयगु दथुइ तर्क छगू कथं दुश्मन थें जुयाच्वंगुलिं आ:या चुनावय् भोट क्रस जुङ्गु अवस्थाय् धा:सा कांग्रेस त्याङ्गु संभावना दु धका: नं धाय्गु यानाच्वंगु दु । स्थानीय तहया चुनावया आधारय् एमाले व माओवादी केन्द्रयात व:गु भोटया आधारय् थःपिं दुई तिहाई बहुमत वङ्गु धका: वाम गठबन्धनया नेतातयुसं दावी या:गु दु । अले थःपिनिगु गठबन्धन कांग्रेस पार्टी ग्यात धका: तर्क धाय्गु याना वयाच्वंगु

वाम शक्ति, कांग्रेस शक्ति व पहिचानवादी शक्तिपारखें गुलि गुलि सिट त्याकीगु खः उकिया आधारय् हे मुलुक न्ह्या: वनी । अले थ्व हे स्वंगू शक्तिया समिकरणया आधारय् सरकार निर्माण, मुख्य मन्त्री ल्ययेगुनिसें संविधान संशोधनया सवालनिसें फुक्क सँय् प्रभावित जुइ ।

दु । उखे नेपाली कांग्रेसया नेतातयुसं नं एमाले व माओवादीया शीर्ष नेतात छथाय् च्वनेवं हे कार्यकर्तात व मतदातात छथाय् हे च्वनी धङ्गु अवस्था मदुधामे थुगुसीया चुनावय् थःपिनिगु बहुमत वङ्गु धका: दावी याना वयाच्वंगु दु ।

कांग्रेसया सभापति नाप प्रधानमन्त्री शेरबहादुर देउवां ला भन सार्वजनिक रुपं हे लोकतन्त्र भर्से सम्म्ववादया दथुइ थ्व चुनाव ख:धामे वाम गठबन्धन त्यात धा:सा

मनुत न्हिले तर्क दइमखु, खवय् तर्क दइमखु धका: न्ववानादीगु दु । उलि जक मखु वाम गठबन्धन धङ्गु हे लोकतन्त्र विरोधीपिनिगु खः धका: तर्क धाय्गु यानाहःगु दु । न्हापा २०४८ सालया चुनावया इलय् कांग्रेस कम्पुनिष्ट पार्टीत त्यात धा:सा बुरा बुरि मधाङ्गु, थःगु सम्पत्ति मदङ्गु, न्हिले खवय् मदङ्गु, स्वतन्त्रता मदङ्गु धका: गुगु कथं द्वपं बिल उगु हे कथं थुगुसी नं कांग्रेसया नेतात प्रस्तुत जुगु खने दु । नेपाली कांग्रेसया नेतात वाम गठबन्धनयात थीथी कथं द्वपं बिङ्गु ज्या तर्क यानादीगु दु । कांग्रेसया नेतात वाम गठबन्धन विरुद्ध गुगु कथं प्रस्तुत जुयादीगु खः उगु कथं वाम गठबन्धनया नेतात प्रस्तुत जुगु खने मदुनि । सरकारं चुनाव मयायेगु खेल यानाच्वन धका: माओवादी केन्द्रया अध्यक्ष प्रचण्डं द्वपं बियादीगु दुसा एमालेया अध्यक्ष केपी शर्मा ओलीं नं देय् विकास याईपिं व लुटेयाईपिनिगु दथुइ धेधेबल्ला खः धयादिसें म्हिगः कम्पुनिष्टत तज्या:गु अवस्थाय् जक मेपिन्सं राज या:गु आ: धा:सा याय् फइमखु धका: तर्क दावी यानादीगु दु ।

ल्यं ७ पेजय्

थःपिनिगु हे खँ न्यना  
ओली व प्रचण्ड  
अज्चाल

यै । एमाले नाप लिक्क ला:गु कथं नालात:गु छगू राष्ट्रिय न्हिर्पातिइ आइतवा: वङ्गु मंसीर ९ गते एमाले व माओवादी केन्द्र एकीकरण जुइ धका: समाचार पिदन । उगु समाचारं सकलसिगु ध्यान सालाकाल । अप्तः याना संचार माध्यमय् बयवय् जुल । एमाले व माओवादी केन्द्रया कार्यकर्तानिसें नेतातयुसं तर्क तसकं चासो तल । कांग्रेसया नेतातयुसं नं तसकं चासो तल । छगू कथं बयवय् जुल । आइतवा: एमालेया अध्यक्ष केपी शर्मा ओली व माओवादी केन्द्रया अध्यक्ष प्रचण्ड धा:सा चुनावया भूवलय् स्विगलं पिने वनाच्वंगु खः ।

उकिं एमाले व माओवादी केन्द्र एकता मंसीर ९ गते जुइ धा:सा समाचार सुथ न्हापां ओली व प्रचण्डयात मथ्यंगु जुयाच्वन । लिपा एमालेया हे नेता व कार्यकर्तातयुसं आइतवा: हे भापाया गौरादह

ल्यं ७ पेजय्

## 'नेवाः'य् जक सीमित मजुल नेरापाया उम्मेदवार

यै । नेवा: समुदायया छगू जक आधिकारिक पार्टीकथं कया वयाच्वंगु नेपा: राष्ट्रिय पार्टीया थुगुसिया प्रतिनिधिसभा व प्रदेशसभाया चुनावय् उम्मेदवार जुयादीपिं नेवा: समुदाय दुने जक सीमित मजुल ।

न्हापांगु व निक्वःगु संविधानसभाय् उगु पार्टीपाखें नेवा:तयुसं जक उम्मेदवारी बिया वयाच्वंगु खः । तर थुगुसी धा:सा उगु पार्टीपाखें उम्मेदवार जूपिं खस आर्य, दलित व मुस्लिमलिसें मधेसी समुदायया नं खः । उगु पार्टी प्रदेशसभाया समानुपातिकपाखें २०म्ह व प्रतिनिधिसभाया समानुपातिकपाखें ११म्हेस्यां उम्मेदवारी ब्यूगु दु । प्रतिनिधिसभा प्रत्यक्षपाखे २म्ह व प्रदेशसभाया नितिं ३म्हेस्यां उम्मेदवारी ब्यूगु खः । फुक्क उम्मेदवार प्रदेश ल्या: ३य् केन्द्रीत जुगु दु । पार्टी नायः डा. विजयप्रकाश सैजु यैया क्षेत्र नं ७(क), रामहरी रजित ८ (क), विष्णुभक्त गोपाली १०(ख) थःगु उम्मेदवारी बियादीगु दु । अथेहे प्रतिनिधि सभाय् यै क्षेत्र नं. ९ पाखें खगेस रजितकार व काभ्रे क्षेत्र नं. १ पाखें सुन्तलाकाजी श्रेष्ठ उम्मेदवारी बियादीगु खः ।

न्हापांगु संविधानसभाया चुनाव लिक्क वयाच्वंगु इलय् नेवा: समुदायया हक अधिकारया नितिं धामे उगु पार्टी नीस्वंगु खः । थुगुसी संविधानकथं जातीय कलस्ट

बहुल जाति, बहुल विचा: दुगु देशय् निगू दलं जक शासन न्ह्याकाकेगु धङ्गु मेमेगु जाति व बिचा:यात न्हंका छवय्गु जयानापूगु षडयन्त्र खः ।

मिलेयाना: उम्मेदवारी बीमा:गु बाध्यात्मक जूगुलिं नेवा: उम्मेदवारय् जक सीमित मजुल नायः डा. सैजु धयादीगु दु । थ्वस्वयां न्ह्यः नेपालभाषां जक ज्याइवः न्ह्याकीगु उगु पार्टी वंगु मंगलवा: ग्वसा: ग्वःगु घोषणापौ सार्वजनिक समारोहस खस नेपाली भासं ज्याइवः न्ह्याकूगुलिं नं उकिया संकेत या:गु दु । 'थुगुसी नेवा: सरोकारयात राष्ट्रिय परिवेशया पृष्ठभूमिइ ल्हवनेगु कुतः यानागु दु ।' नायः डा. सैजु धयादीगु दु ।

पार्टी वाम व लोकतन्त्रवादी थःपिनिगु निशाना दय्कूगु दु । निगुलिं अलग अलग गठबन्धनं देशय् निगू दलीय अधिनायकवाद हावी जुङ्गु खतरा दुगु धयादिसें पार्टी थःगु घोषणापौ सार्वजनिक या:गु खः । तत:धंगु दलया गठबन्धन थीथी बिचा: व आस्थायात निषेध यायुत स्वःगु द्वपं बियादिसें पार्टीया नायः डा. सैजु धयादिल ।

ल्यं ७ पेजय्

**KATHMANDU ORNAMENTS**

New Baneswor, Kathmandu, Nepal  
Tel: 4476777, 4480999, Fax: 4476099  
E-mail: info@kathmanduornaments.com  
baneskor@bomail.com  
Web: www.kathmanduornaments.com

**ufo the clothing store**

EXPRESS YOUR ATTITUDE

## सम्पादकीय



## चुनावय् शान्ति सुरक्षा

प्रतिनिधिसभा व प्रदेशसभाया चुनाव गुलि न्ह्यःने वयाच्वंगु दु । उलि हे सुरक्षा व्यवस्था याय्गु ज्या नं छ्मू हाथ्याःकथं न्ह्यःने वयाच्वंगु दु । चुनावया इलय् छुं छुं घटना जुइगु धइगु सामान्य हे जुइधुंकल । तर उम्मेदवारतय्त हे लक्षित यानाः गुकथं आक्रमण याय्गु ज्या जुया वयाच्वंगु दु, उकिं चुनावय् छुं तःधंगु घटना जुइगु जक मखुला धइगु आशाका नं ब्वलनावःगु दु ।

चुनावया इलय् सुरक्षा छ्मू तःधंगु विषय जुयाच्वनीगु खः । न्हूगु संविधान वयधुंकाः उकिया कार्यान्वयन याय्कथं जुयाच्वंगु थुगु चुनावया मू विषय धइगु नं संविधान कार्यान्वयन व उकिया निती बहुमतया सर कार दय्केगु निती जुयाच्वंगु खनेदु । थ्वहे इवल्य् वाम गठबन्धन व लोकतान्त्रिक गठबन्धन दथुइ हे तीब्र धेधेबल्ला जुइगु सम्भावना खने दयाच्वंगु दु । थजाःगु अवस्थाय् छ्मू पुचलं मेगु पुचःयात आरोप प्रत्यारोप याय्गु व विशेषयानाः लोकतन्त्रयात हे खतराय् लाइगु विषययात कयाः चुनावय् न्ह्याःवनाच्वंगु खनेदु ।

थ्वहे इवल्य् चुनाव गुलि न्ह्यःने वयाच्वंगु दु, उगु हे कथं आक्रमणया घटनात नं अप्वया वनाच्वंगु दु । विशेषयानाः वर्तमान सरकारया विना विभागीय मन्त्री नापं पुलांम्ह गृहमन्त्रीयात बम कय्कूगु घटना, पुलांम्ह अर्थमन्त्री नापं माओवादी नेता वर्षमान पुनया च्चनावनाच्वंगु गाडीयात लक्षित यासं माइन विस्फोट याकूगु घटनां यानाः चुनावया इलय् गुलितक शान्ति सुरक्षा जुइ धइगु खं न्ह्यःने वयाच्वंगु दु । थुपिं निम्ह थुगु चुनावया उम्मेदवार जुयाच्वनादीपिं खः ।

खय्त ला थुगु घटना विप्लव समर्थित नेपाल कम्युनिष्ट पार्टी याकूगु धइगु खं पिहां वयाच्वंगु दु । थुगु पुचलं चुनाव स्यकेगु कुतः यानाच्वंगु खः । तर थजाःगु हे घटनां यानाः मतदातातय्त ग्याचिकुया वातावरण ब्वलनीगु अस्वभाविक मखु ।

चुनाव शान्तिपूर्ण कथं क्वचाय्माःगु व मतदातापिन्त डर त्रासया अवस्थापाखें मुक्त जुइगु वातावरण ब्वलकेमाःगु निर्वाचन आयोगया दायित्व खः । थजाःगु वातावरण ब्वलन धाःसा जक चुनावया लिच्चः प्रभावित जुइमखु । मखुसा जनतां सोचे याःकथंया लिच्चः मवइगु इलय् संविधानया कार्यान्वयनय् तर्क नं प्रतिकूल असर लाय्फु । उकिं दकल्य् न्हापां निर्वाचन आयोगपाखें उम्मेदवारया नापनापं मतदातापिन्त सुरक्षाया अनुभूति बीमाःगु आवश्यकता दु ।

चुनावया इलय् खास यानाः दलत नं संयमित जुयाः न्ह्याःवनेमाःगु खनेदु । थःगु दल त्याकेगु निती न्ह्यागु नं हर्कत याय्त भीथाय् नं तयार जुयाच्वनीगु खः । विशेषयानाः सुगम स्वयां दुर्गम क्षेत्रय् थजाःगु घटना यक्व हे जुयाच्वनीगु खः । थनतक सुरक्षाया व्यवस्था याय्मफइगु जूगुलिं हे थजाःगु घटना जुइगु खः । थ्व छ्मू बांमलाःगु संस्कार खः । थ्व हे संस्कारं यानाः गुलि जिल्लायात संवेदनशील क्षेत्र धकाः नं घोषणा याय्माःगु आयोगया बाध्यता दु । उकिं स्वच्छ प्रतिस्पर्धा यानाः न्ह्यावनेगु बातावरण ब्वलकेगु छ्मू दलया नं दायित्व खःसा थुकियात कार्यान्वयन याय्गु, सुरक्षाया पूर्ण अनुभूति बीगु ज्या निर्वाचन आयोगया खः । थुकियात कयाः नेपाःया हरेक क्षेत्र चाहे व सुगम जुइमाः वा दुर्गम, सुरक्षा निकाय् पाय्छिकथं परिचालन यानाः चुनाव शान्तिपूर्ण रुपं क्वचाय्केमाःगु थौया आवश्यकता खः ।

## त्वमिपिन्त इनाप

लहना वाःपतिइ लेख, रचना, रिपोर्ट व समाचार छ्वयादीफइ । छिकपिंसं छ्वयादीगुयात थुगु वाःपतिइ थाय् बियाच्वना । पिदंगु च्वसुयात उचित पारिश्रमिक बीगु नं सुचं बियाच्वना ।

लहना वाःपौ

भोर्छे, यें

lahana.news@gmail.com

## हाकनं नेता प्रदेशया चर्चा



सानुराजा शाक्य

जुइत्यंगु प्रतिनिधिसभा व प्रदेशसभाया चुनावय् बिस्काः नेवाः राज्यया मुद्दा ताःमलाय् वं नेवाः मुद्दा नामय् निगु मुद्दात बजारय् दु । व खः, ३ नं प्रदेशयात नेवाः ताम्सालिङ्ग प्रदेश नामाकरण याय्गु अले मेगु प्रदेशया सरकारी मान्यता दुगु भाषाय् नेपालभाषायात नं दुथ्याकेगु । प्रदेशया नामाकरण भचा पहिचानयात न्ववाइगुकथं बिस्काः नेवाःजक तय्मफइगु व ३ नं. प्रदेशया दकल्य् अप्वः जनसंख्या दुगु निगु समुदाय गुपिं थ्व प्रदेशया आदिवासी नं खः, नेवाः व तामाङ्ग जातिया पहिचाननाप स्वाइगुकथं नेवाः ताम्सालिङ्ग प्रदेश नामाकरण याय्गु वकालतया शुरुवात चुनावी मुद्दाया रुपय् ह्यगु कुतः जूगु खनेदु । तर मुख्य राजनीतिक दलया स्वनिगःया



उम्मेदवार जुयाच्वीपिं उम्मेदवारपिन्सं प्रदेशया नामाकरणय् थःयात आःयात मौन धारणा हे तःगु खनेदुसा नेवाःतनाप सरोकार दुगु भाषा, संस्कृतियात संरक्षण व विकासय् थःपिनिगु प्रतिबद्धता जक ब्वःगु दु ।

स्वनिगः दुने आःया चुनावय् वामगठबन्धनया नेकपा एमाले/माओवादी केन्द्र व नेपाली कांग्रेसया उम्मेदवार दथुइ जक तिब्र प्रतिस्पर्धा जुइगु चुनावी संकेत खनेदु । संविधानया मुद्दा थ्व चुनावय् खास हे आकर्षण मुद्दाया रुपय् विकास जुइमफइगु संकेतं यानाः पहिचानयात थःगु राजनीतिक आधार दय् काच्वंगु दलत प्रतिस्पर्धाय् खास हे न्ह्यःने म्दु । पहिचानया नां बियाः नेवाः इमोसनयात थःगु भोट बैक दय्काः छ्मू नेवाः सांसद वा प्रदेशसभाय् वनेव खास हे ह्यूपाः वइमखु ।

छ्मू अजाःगु नं जमाना वल, गबलय् नेवाः राज्यया नांया जगजगी जूबलय् नेवाः राज्यया संभावना स्वयां नेवाः व ताम्सालिङ्ग दुथ्याःगु नेता प्रदेशया संभावनाय् म्हितेमाःगु तर्कयात अस्वीकार धइथं याय्त स्वल । सायद दकल्य् न्हापां व छ्मूहेसिनं जक थुकथं नेवाः व तामाङ्ग बाहुल्यता दुगु जिल्ला स्वानाः प्रदेशया वकालत डा. केशवमान शाक्य यानादीगु खः । उबलय् डा. केशवमानया बिचाःयात नेवाः राज्यया वकालत याइपिन्सं नेवाः विरोधीकथं न्ह्यब्वल । राजनीतिक दलय् नेतृत्वय् च्वनाः ज्या याइपिन्त नेता धाइगु खः । राजनीतियात बद्नाम, असक्षम व दुरुपयोग छुं नेतातय्सं याःगु कारणं राजनीतियात कयाः हे न्हूगु पुस्ता व नेवाः समाजय् नकारात्मककथं स्वय्गु याःगु

कारणं नेता नं बद्नाम हिस्स्याना धाय्गु थोगोया रुपय् छ्यलाबुला जूगुलिं थ्व ३ नं. प्रदेशया नामाकरण नेवाः व तामाङ्ग समुदायया पहिचान खनेदइकथं नेता प्रदेशया नांयात नं नेवाः प्रदेशया वकालत याइपिन्सं हिस्स्याना “नेता”प्रदेश धकाः हिस्स्याय्गु नं मयाःगु मखु । तर इलं थौंनेवाः राज्यया परिकल्पनाकारतय्त थ्व थासय् थ्यंकाबिल कि छ्मू इलय् थःपिन्सं हे अस्वीकार यानागु नेता प्रदेश नां तयाब्यू धकाः राजनीतिक दलया नेतातय्के याचना याः जुइमाल । उकिं राजनीति याइपिन्सं फुकक संभावनायात नं सहजकथं कयाः थःगु तर्कयात न्ह्यथनेमाःगु जुयाच्वन । राजनीति थःपिन्सं धइथं फुकक माग पूमवनेफु । उकिं थःपिन्सं राजनीति याय्बलय् लिहां वनेफइगु लैनं तयाः जक न्ह्यःने वनेफूसा ताःलाइ, मखु धइगु खःसा असफलता जक ल्हाती लाइ ।

प्रदेशया नामाकरणया सवालयात नेवाः प्रदेशया मागथं राजनीतिकरणया माध्यम दय्काः नेवाः व तामाङ्ग जातिया पहिचान खनेदइकथं नामाकरणया माग याय्बलय् धरातलीय अवस्थया कारणं ताः मलाय्फु । उकिं नेवाः व तामाङ्ग जातिया पहिचान नं खनेदइगु नेवाः व तामाङ्ग समुदायबाहेकयात सहजकथं स्वीकार्य जुइफइगु नामाकरण याकेगु कुटनीति हे थौंया आवश्यकता

वरु नेकपा एमालेपाखें प्रदेशया उम्मेदवार जुयाच्वंमह व भावी मुख्यमन्त्रीकथं चर्चाय् दुम्ह एमालेया उपाध्यक्ष अष्टलक्ष्मी शाक्य थ्व प्रदेशया राजधानी नेपाःया राजधानी स्वयां भचा तापाकक अथे धइगु भ्वैत, धौख्यःपाखें संकेत याःगु खनेदु । प्रदेशया राजधानी यैय् तय्बलय् केन्द्रया राजनीति न्ह्याबलें प्रदेशया राजनीति त्वपुइगु संभावना दुगुलिं ३ नं. प्रदेशया राजधानी यै नं पिने तर यक्व तापाकक नं मजूसं ज्यू धइगु तर्क खः । तर ३ नं. प्रदेशया राजधानी स्वनिगःदुने हे खप व यल जिल्लाया हे लाइगु संभावना यक्व दु । थ्व प्रदेशया उत्तरय् लाःगु जिल्लासिसे रामेछाप, सिन्धुली, चितवनयात नं स्वनिगःदुने हे गनं राजधानी लाःसा सहज जुइगुलिं नं ३ नं. प्रदेशया राजधानी आःयात भीतिक पूर्वाधार दुगु त्याखं स्वनिगः दुने हे जुइफइगु संभावना दु । प्रदेशसभाया निती यलय् च्वंगु प्रशासनिक प्रशिक्षण केन्द्र वा ख्वपया थिमी च्वंगु कृषि विकास तालिम केन्द्र उपयुक्त जुइफइ । प्रदेशया राजधानी हेटौंडा वा भ्वैत, धौख्यःपाखे यंकेफइगु तत्काल संभावना खने म्दुनि ।

प्रदेशया राजनीतिनाप स्वानाच्वंगु व समुदायया सरोकारया विषय नं जुयाच्वंगु प्रदेशय् खस नेपाली भाय् बाहेक मेगु निगु भाय्यात नं संवैधानिक मान्यता बीफइगु

प्रदेशया राजधानी गन दय्केगु धइगु सवालय् स्वनिगःया वासिन्दातय् खास हे बिचाःत वयाच्वंगु खनेमदु । मेमेगु क्षेत्रय् प्रदेशया राजधानी थःपिन्थाय् दय्केमाः धकाः तानातान जुयाच्वंगु अवस्थाय् धाःसा ३ नं. प्रदेशया राजधानी थन दय्केगु धकाः सुं उम्मेदवारतय्सं नं दावी यानाच्वंगु खनेमदु ।

खः । मखु धइगु खःसा यक्व प्रदेशया नां विशेषयानाः १, ३ व ४ प्रदेशया नां छुइगुली ताःहाकः ई काय्त बेर म्दु । २ नं प्रदेशया नां मधेसी पहिचानकथं तय्त थाकु मजुइफु । ६ व ७ प्रदेशया नां नं खस समुदायनाप स्वाका अःपुकक तइ । ५ नं प्रदेशयात लुम्बिनी प्रदेश नामाकरण याइगु संभावना यक्व दु । तर आदिवासी जनजाति आन्दोलन सेट ब्याय्क लानाच्वंगु थ्व अवस्थाय् १ नं. प्रदेशय् लिम्बु व राई, ३ नं. प्रदेश नेवाः व तामाङ्ग अले ४ नं. प्रदेश गुरुङ्ग व मगःतय् बाहुल्यता दुसा पहिचान खनेदइकथं नां छुइत अःपु मजु ।

प्रदेशया राजधानी गन दय्केगु धइगु सवालय् स्वनिगःया वासिन्दातय् खास हे बिचाःत वयाच्वंगु खनेमदु । मेमेगु क्षेत्रय् प्रदेशया राजधानी थःपिन्थाय् दय्केमाः धकाः तानातान जुयाच्वंगु अवस्थाय् धाःसा ३ नं. प्रदेशया राजधानी थन दय्केगु धकाः सुं उम्मेदवारतय्सं नं दावी यानाच्वंगु खनेमदु । प्रस्तावितकथं यै, ख्वप, काभ्रेया भ्वैत, धौख्यः व मकवानपुरया हेटौंडा प्रदेशया राजधानीया रुपय् चर्चाय् दुसा थन हे याय्माः धकाः छुं नं दलया सुं उम्मेदवारतय्सं माग यात वा मतदातातय्सं माग यात धकाः न्ववागु म्दु ।

संवैधानिक हकया उपभोग सम्बन्धी खः । संविधानं हे प्रदेशय् खस नेपाली भाय् बाहेक अनया ततःधंगु समुदायया निगु मांभाय्यात सरकारी भाय्या रुपय् मान्यता बीफइगु हक बियातःगुलिं ३ नं. प्रदेशया हकय् नेपालभाषा व तामाङ्गभाषायात प्रादेशिक भाषाया मान्यता बीत खास हे थाकुइ मखु । तर सवाल प्रादेशिक मान्यता स्वयां मातृभाषायात छ् यलाबुलाय् ह्यगु हाथ्याः यक्व दु । मान्यताया निती मान्यताजक बीवं साथकता दइमखु । स्थानीय तगिमय् नं नेपालभाषायात मान्यता बियागु घोषणा यक्व महानगरपालिका व नगरपालिकापाखें याःगु हे खः, तर उकियात कार्यान्वयन तगिमय् लागू याय्गु सवालय् यक्व पंगत दनीगु यक्वसिनं वाःचाः । गुबलय् तक मातृभाषायात फुकक विद्यालय तगिमय् नं ब्वनेमाःगु व्यवस्था जुइमखु, उबलय् तक मातृभाषाया विकासं गति काइमखु । आः गुलिं नं मान्यता बिल वा ज्या जुल धइगु खः, व मात्र भाषा संरक्षणया छुं भचा ज्याजक जूगु कथं काय्छि । विद्यालय तगिमय् मातृभाषा छ्मू पेपर अनिवार्यकथं ब्वकेगु ब्यवस्थाया निती प्रादेशिक संसद व सरकारं यक्व भूमिका म्हितेफइ ।



# प्रदेश नं. ३ यैँ जिल्ला क्षेत्र नं ८ या प्रतिनिधि सभा



## रामहरि रञ्जित

नेपा: राष्ट्रिय पार्टी उम्मेदवार  
प्रदेशसभा क्षेत्र नं ८(क), यैँ ।



१. जि छम्ह नेवा: जुयागु नातां ने वा:तयगु पहिचानयात ल्यंकातयगु नितिं उम्मेदवारी बियागु ख:। संविधान संशोधनपाखें पहिचान, जातीय, भाषिक समानता सम्बन्धन यायगु लक्ष्यलिसें थुगु प्रदेश सभाय उम्मेदवारी बियागु ख:। जि छम्ह स्वयम्सेवक जुया: ज्या यानाच्वनाम्ह ख:सा भी नेवा:तयगु हक हीत व अधिकारया नितिं नं जिगु उम्मेदवारी ख:।

२. चुनावय प्रतिद्वन्दी ला दइगु हे जुल। अथे ख:सां जि त्याकेगु हिसाब न्य:ने वनाच्वनागु दु।

३. भीत भोट बीपिं धइगु विशेषयाना: नेवा:त हे ख:। अथे जुया: ने वा:तयगु नितिं अले उमिगु भावना ज्वना: ज्या यायगु जुइ।

## राजेश शाक्य

वाम गठबन्धनया साभा उम्मेदवार  
प्रदेशसभा क्षेत्र नं ८ (क), यैँ ।



१. थन यैँया दुनेया बस्ति, नेवा: बस्ति, नेवा: लागाय च्वंम्ह, भाषिक आन्दोलनय जूमह, नेपाल सम्बतया आन्दोलनय जूमह, नेवा: एकीकृत बस्तियात पहिचानलिसें सम्बर्द्धन व प्रबर्द्धन यायगु ज्या न्ह्यचिलाच्वंम्ह मा: धइगु कथं जिगु उम्मेदवारी बियागु ख:।

मेगु भीगु भाषा नेपालभाषा पुलांगु भाषा ख:, तर थौं कन्हय थ्व भाषा ल्हाइपिं म्हो जुजुं वनाच्वंगु दु। थुकिया संरक्षण सम्बर्द्धन यायमा:गु आ:या आवश्यकता ख:। नेपा: संविधान सरकारी ज्याखँय छ्म प्रदेशय स्वंगू भाषा जुइ धा:गु अवस्थाय भीगु मांभाय नेपालभाषायात नं सरकारी ज्याखँय छ्यलेगु नितिं न्ह्यचिलेमा:गु दु। अथेहे नेपाल सम्बत् भीगु देय्या मौलिक नापं राष्ट्रिय सम्बत् ख:। थुकियात राज्य मान्यता बीधुंकल, तर व्यवहारय छ्म यलाच्वंगु म्हु। व्यवहारय छ्यलेगु इवलय प्रदेश सरकार थुकियात छ्यलाबुलाय ह्यगु नापं संरक्षण व प्रबर्द्धन यायमा:।

नेपा:यात संयुक्त राष्ट्र संघय दुज:या मान्यता बीकेगु नितिं छ्य:गु भीगु मौलिक

लिपि रञ्जना लिपि भीसं ब्यवहारय छ्म यलेफयाच्वंगु म्हु। थुकिया संरक्षणया नापनापं प्रबर्द्धन यायमा:गु दु। अथेहे स्वच्छ बिचा:, सुशासन, समृद्धि नेपाल, सुखी नेपाल दयकेगु अभियानयालिसें थुपिं समगै अभियानया नितिं यैँ क्षेत्र नं ८या प्रदेशसभा 'क'य जिगु उम्मेदवारी ख:।

२. आ:या अवस्थाय प्रदेश सभा 'क'य जिगु मू प्रतिद्वन्दी पार्टीगतकथं कायगु ख:सा नेपाली कांग्रेस जुइफु। तर जिगु उम्मेदवारी बीधुंका: जनताया दथुइ गुगु उत्साह वल, उमंग वल, अथेहे जि त्वा:त्वालय वनाबलय गुगु लकस दयावन, व स्वयंबलय आ:या अवस्थाय सुं नं मदुथे च्वं।

३. दकलय न्हापां स्थानीय व प्रदेशकथं धायगु ख:सा २०७२ सालय ब्व:गु विनाशकारी भुखाचं विश्व सम्पदाय लानाच्वंगु यैँया दरबार क्षेत्रय गुगु लिच्व: लाकल, यक्व सम्पदात स्यन, उकिया पुन:निर्माण यायगु ज्याय प्राथमिकता बीगु जुइ, अथेहे मरुसत:या पुन:निर्माणया ज्या तत्काल न्ह्याकेगु नितिं पहल यायगु जुइ।

च्वय न्ह्यथनागु प्यंगू मुहाया नितिं ज्या यायगु जुइ। अथेहे स्थानीय समस्यायात कया: धायगु ख:सा यैँ वडा ल्या: २० व १३ वडा स्वाइगु लँय यक्व हे जाम जुयाच्वंगु दुसा उगु जाम चीकेगु नितिं थप पुल दयकेगु जुइ। थ्वहे इवलय यैँ वडा ल्या: १९ व १५ स्वानाच्वंगु यातायाता ताँ (भोलुङ्गे पुल) लिक्क पक्कि ताँ मदया अनया जनतातयसं यक्व हे समस्या फयाच्वंगु दु। अन नं छ्म पक्कि ताँ दयकेगु नितिं ज्या यायगु जुइ। भीगु संस्कृति भीगु पहिचान ख:। तर संस्कृतिया अवस्था स्वयगु ख:सा भन्भन् न्हावनाच्वंगु दु। थुगु अवस्थाय संस्कृति जक दया मगा:, लजगा: नं उलि हे आवश्यक जुइ। उकिं लजगा:सहितया संस्कृति प्रबर्द्धन यायमा: धइगु जिगु उदेश्य ख:, वकथं न्ह्या:वनेगु जुइ।

## राज्यलक्ष्मी श्रेष्ठ

नेपाली कांग्रेस उम्मेदवार  
प्रदेशसभा क्षेत्र नं ८(क), यैँ ।

१. जि मिसा जूगुलिं समान अधिकारया नितिं जि उम्मेदवार बियागु ख:। मिसा सशक्तिकरणया नितिं अभ नं ज्या याय ल्यंदिन। मिसातयत आर्थिककथं समृद्ध यायगु नितिं न्ह्यज्याना च्वनागु दु। मिसापिन्त आर्थिककथं सशक्तिकरण यायगु अभ छैय च्वनीपिं मिसापिन्त विशेषयाना: पिने वना: ज्या यायगु ला अभ नं थाकुनि। जि खास याना: साना घरेलु उद्योग व्यवसायी ख:। उकिं छैय छैय हे चिचीधंगु व्यवसायत सञ्चालन याय फइ। थुकियात संस्थागत यायगु नं ख:।

सांगठनिककथं स्वयगु ख:सा राणा शासन, पञ्चायती शासन परास्त यायधुन। भी स्वयां अग्रजपिं नेता/नेतृपिन्सं यक्व हे दु:ख, कष्ट, त्याग व तपस्या याना: थौं लोकतन्त्र प्राप्त जुल। संविधानपाखें गुलि नं सुनिश्चित जूगु अधिकार दु, उकियात संरक्षण यायगुनापं उकियात कार्यान्वयन यायगु नितिं जिगु उम्मेदवारी ख:।

२. आ:या अवस्थाय प्रमुख प्रतिद्वन्दी नेकपा एमाले व:गु खनेदु। चुनावय सुयात नं विधंगु कथं काय मज्यू।

३. थुगु क्षेत्रय ला:गु न्यागू वडा नं सांस्कृतिककथं महत्वपूर्ण जू। सांस्कृतिक सम्पदां याना: भीगु पहिचान दयाच्वंगु ख:। थुकियात संरक्षण सम्बर्द्धन नं याना वनेगु जुइ। थुकिंयाना: हे भीगु पर्यटन व्यवसाय च्वन्थ्याना वनीगु ख:। थौं थ्व किचलय लानाच्वंगु दु। थुकियात न्ह्य:ने यंकेगु जिगु लक्ष ख:। मुख्यत: हनुमानध्वाखय गुलि नं पुन:निर्माण जुइमा:गु देग:त दु, व पुन:निर्माण मजुनि। निगू स्वंगू देग: ला पुन:निर्माणया नितिं पहल यानागु दु। जिगु थासं न्ववाय मा:थाय स: नं तयागु दु। मरुसत: दयकेमा:गु दु। तर थ्व सरकारं हे दयकेमा:गु दु। जनसहभागिता दइगु बांला:गु ख:, तर या:गु ज्या बांला: वा बांमला:, या: वा मया: धका: 'वाचडग'या रूपय भीगु भूमिका जुइमा:।

भीगु संस्कृति, सम्पदाया संरक्षण व प्रबर्द्धन यायमा:गु दु। थन हनुमानध्वाखाय भीगु पर्यटन व्यवसायस त:धंगु क्षति जुइधुंकल। गुलि नं पर्यटकत वयमा:गु दु, व फुक्क 'क्यान्सल' यानाच्वंगु दु। तन चा:हिकेगु ज्याइव: हे मतय धुंकल।



थ्व ला आर्थिककथं त:धंगु घाटा ख:। जि थुगु क्षेत्रय प्रबर्द्धन याना यंकेगु लक्ष कयागु दु।

अथेहे भीसं स्थानीय श्रोत साधनयात प्राथमिकता बी फयाच्वंगु म्हु। विष्णुमति विषयस नं सदनय न्ववाना। मन्त्रीलिसे लिसे: नं पवना, खुसिया सरसफाइ, प:खा: दयकेगु यक्व हे पहल नं याना।

थन मिसा व युवातयत उद्योगय आकर्षित याना: न्ववस्थापन याना यंकेगु जिगु मू आजु ख:। थुगु लागाय ला:गु न्यागुलिं वडाया जल्दोबल्दो समस्यायात ज्यंका यंकेगु नितिं पहल यायगु जुइ।

## मनरत्न शाक्य

संघीय समाजवादी फोरम नेपाल उम्मेदवार  
प्रदेशसभा क्षेत्र नं ८(क), यैँ ।



१. नेवा: प्रदेशया नितिं हे जिगु उम्मेदवारी ख:। पहिचान व अधिकार या नितिं न्ह्यानाच्वंगु संघीय समाजवादी पार्टी जूगुलिं थुकिया स: प्रदेश सभाय वना: तयगु लिसें प्रदेशया नां नामाकरण याकेगु नितिं नं जिगु उम्मेदवारी बियागु ख:।

२. थुगु चुनावय नेपाली कांग्रेसपाखें प्रदेशसभाय उम्मेदवार बियादीम्ह र राज्यलक्ष्मी श्रेष्ठ मू प्रतिद्वन्दी कथं खनाच्वना।

३. भीगु भाषिक समान अधिकारया नितिं, भीगु नेपालभाषा प्रादेशिक भाषाकथं छ्ययके बीगु नितिं पहल यायगु जुइ। मेगु प्रदेशया विकास यायगु सम्बन्धय प्रादेशिक हक अधिकारत सुनिश्चित याकेगु ज्या जुइसा सरकारं बियात:गु अधिकारत अभ नं मगा:नि। मेमेगु अधिकार नं सुनिश्चित याना यंकेगु नितिं ब: बीगु जुइ। अथेहे थुगु प्रदेशया विकास यायगु गथेकि औद्योगिक क्रान्ति, कृषि क्रान्ति लिसे खेलकूदया विकास यायमाला थायथासय लँया अवस्था नाजुक जुयाच्वंगु दुसा थजा:गु खँय नं ध्यान बीगु जुइ।

# भा व प्रदेश सभाया उम्मेदवारपिनिगु प्रतिबद्धता

## जीवनराम श्रेष्ठ

वाम गठबन्धनया साभा उम्मेदवार, प्रतिनिधि सभा क्षेत्र नं ८, येँ ।

१. जि वाम गठबन्धनया मंका: उम्मेदवार खः । दकलय महत्वपूर्ण खँ धइगु वाम गठबन्धन हे छाये दयकल धइगु खः । बहुदलीय व्यवस्था वयधुंका: २६दँतक नं रजनीतिक स्थिरता वयफ्याच्वंगु मडु । थ्वहे कारण देश भताभुङ्ग जुयाच्वंगु, विकास गुगु गति जुइमा:गु खः, व जुइ फ्याच्वंगु मडु, सामाजिककथं स्वयगु खःसा अस्तव्यस्त जुल, गरीबी जक जुयावन । उकिंयाना: जनताया चाहाना धइगु नं स्थिरता वयमाल, न्यादँतक छू हे बहुमतया सरकार वयमाल, भीगु देश नं आर्थिक समृद्धिपाखे न्हयज्याय माल धइगु खः । राजनीतिक अधिकार ला वयधुंकेल, तर आर्थिक समृद्धिपाखे न्हया:वने मफुगुलं जनताया चाहानाकथं हे 'वाम गठबन्धन' जूगु खः । नेकपा एमालेया नेतृत्वय गुगु एकता न्हया:गु दु, थुकिं देशय राष्ट्रियता, सामाजिक सद्भावयात अभ

बालाकेत व लोकतान्त्रिक गणतान्त्रिक नेपालया संविधान दयकेधुंका: थुकियात प्रभावकारी ढंगं कार्यान्वयन याना यंकेगु खः । नापं भीगु देश आर्थिककथं समृद्ध यायमा:गु दु । थ्व एजेण्डा ता:लाकेगु नितिं वामगठबन्धन दयकूगु खः । थ्वहे इवल्य बहुमत हयगु नितिं वाम गठबन्धनया मंका: उम्मेदवारकथं जिं उम्मेदवार बियागु खः । स्थिरताया नितिं, समृद्धिया नितिं जिगु उम्मेदवारी खः ।

मेगु थुगु क्षेत्र ७० प्रतिशत स्वयां अप्ठः नेवा:त दुगु क्षेत्र खः । थुगु लागाय नेवा: संस्कृति, पुरातात्विक, ऐतिहासिक सम्पदाया ल्याखं थ्व राजधानी खः धा:सा ज्यू । थ्व क्षेत्र नेपा:यात, समाजयात महसीकीग गुगु जाति, भाषा, संस्कृति, परम्परा दुगु थाय खः । थुकियात संरक्षण सम्बर्द्धन यायमा:गु दु, थुकिया नितिं जिगु

उम्मेदवारी खः ।

अथेहे मांभायसरकारी ज्याखँय छु यलेगु नितिं गुगु मान्यता बी धुंकेगु दु, तर थुकियात छयलीगु खँय प्रभावकारी ढंगं न्हया: वनेफूगु मडु । नगरपालिकाय ने कपा एमाले त्यायधुंका: नेपालभाषायात कामकाजया भाषाकथं छयलेगु क्व:छी धुंकेगु दु । तर थुकिया कार्यान्वयन प्रभावकारी ढंगं जुयाच्वंगु मडु, थ्व ज्या ता:लाकेगु नितिं जिगु उम्मेदवारी खः ।

मेगु कासाख्यलय थः दुगुलिं मनूतयगु स्वास्थ्यया नितिं अथेहे स्वस्थ मनू दयके गु नितिं कासाख्य:यात व्यवस्थित यायगु व कासाख्य:या माध्यमं कासापिनिगु भविष्य सुनिश्चित यायगु नितिं मा:कथंया ऐन कानून हयगु नितिं नं थ्व जिगु उम्मेदवारी खः ।

२. धात्ये धायगु खःसा थ्व क्षेत्र

वामपन्थीया आधार क्षेत्र खः । थुगु क्षेत्र बहुसंख्यक नेवा:तयगु बसोबास दुगु क्षेत्र खः । थन वामपन्थी तालमेलकथं जिं उम्मेदवार, संघीय समाजवादीपाखे नं समर्थन दयाच्वंगु नापं नेवा:तयगुपाखे नं समर्पण दयाच्वंगु दु । जिगु उम्मेदवार यात कया: गुगु उत्साह खनेदयाच्वंगु दु, आ:या अवस्थाये जिं प्रमुख प्रतिद्वन्दी खनाच्वनागु मडु ।

३. प्रतिनिधिसभा जि वनधा:सा विशेषयाना: संघीय लोकतान्त्रिक गणतान्त्रिक नेपा:या संविधान घोषणा यायधुंकेगु दु, उगु संविधानयात व्यवहारय कार्यान्वयन यायगु नितिं जिगु मू भूमिका दइ । अभ नं यक्व ऐन कानून दयकेमानी । जनपक्षीय ऐन कानून दयकेगु नितिं, अथेहे प्रदेश, स्थानीय तहलिसें लोकतन्त्र बल्लाके गु नितिं व जनताय स्थापित यायगु नितिं



प्रतिनिधिसभाय जिगु भूमिका जुइ ।

भीगु स्वनिगः, येँया म्हासीका धइगु भीगु संस्कृति, ऐतिहासिक सम्पदाया संरक्षण व विकास यायगु नितिं भूमिका म्हिते गु जुइ । अथेहे कासाख्य:यात 'स्वास्थ्यया नितिं खेलकूद, राष्ट्रया गौरव थकायगु नितिं खेलकूद' धइगु नीति नाला: फुक्क नागरिकयात खेलकूदय संलग्न याना: स्वस्थ नागरिक दयकेगुकथंया ऐन कानून हया: ब्यापककथं कासाया नितिं पूर्वाधार तयार याना: छगु गौरवया क्षेत्रकथं विकास यायगु जिगु लक्ष खः ।

## मनोज नेवा: खड्गी

जनसमाजवादी पार्टी, नेपाल व नेकपा (माले) उम्मेदवार प्रतिनिधि सभा क्षेत्र नं ८, येँ ।

१. भीगु थाय भीसं ल्यंका तयमा: । आ:तक भीसं थन त्याका छवयापिन्सं थन छुं या:गु खनेमडु । काँग्रेसया उम्मेदवार निक्व:तक सांसद जुल, मन्त्रीतकं जुल, तर विश्वसम्पदाया गुगु अवस्था जुयाच्वंगु दु, उकिया नितिं छुं नं मया: । अथेहे लँ, खुसि आदियात कया: गुगु ज्या यायमा:गु खः, उकी ध्यान ब्यूगु मडु । सांसद कोषपाखे थः मनूत, कार्यकर्तापिन्त जक इनेगु ज्या जुल ।

आधिकारिककथं राज्यया श्रोतय पहुँच दुम्ह ला सांसद हे खः । भुखाय ब्व:गु इलय छुं नं मस्वः । तत:धंगु पार्टीया नेतात थ:थ:गु थासय थ्यनेधुंका: छुं नं ज्या मयाइगु प्रवृत्ति दु । नेवा:त नं नेतृत्व यायत ग्या: । न्हय:ने वनीगु नं मखु, तत:धंगु पार्टीया ल्यूल्यु जक वनीगु, थुकिया अन्त्य यायगु नितिं नं जिं उम्मेदवारी बियागु जुल ।

जि छम्ह सामाजिक क्षेत्रय क्रियाशील जुयाच्वनागु, पहिचानया आन्दोलनय ल्वानाच्वनागु, थ:गु थाय दयकेमा: धका: न्हयज्याना च्वनाम्ह खः । थन मनूत राजनीतिककथं हे न्हय:ने मर्वक छुं याय फइमखु ।

थुगु क्षेत्रय निगु विश्वसम्पदा लानाच्वंगु दु । उकिया संरक्षण सम्बर्द्धन यायगु नितिं जिगु उम्मेदवारी खः । अले येँया 'कोर एरिया'य च्वंगु सतक विस्तारया नामय स्थानीयबासिन्दातयत विस्थापित यायगु ज्या जुयाच्वंगु दु, उकियात पनेगु नितिं खः । खुसिया अवस्था बांमला: । अथेहे थन च्वपिनिगु आयस्तर तसकं न्यून जुयावनाच्वंगु दु, उकिया नितिं लजगा:या व्यवस्था यायगु गथेकि महानगरपालिकां उलिमछि धेबा म्हायाच्वंगु दु, कर्मचारीत पोसे यायगु ज्या जक जुयाच्वन । व थासय स्थानीय मनूतयत लजगा: बीमा: धइगु सहमति खः, व कार्यान्वयन यायत नं खः ।

गल्लि गल्लिइ एम्बुलेन्स दुहांवनेगु स्थिति मडु, लँया सुधार यायमा:गु दु । लँ सुधार यायगु नामय लँ तब्बा: यायगु मखु, उकियात व्यवस्थित याना यंकेगु योजना दु । अथेहे राज्यसत्ताय नेवा:तयगु नं पहुँच



दयकेगु नितिं जिगु उम्मेदवारी खः ।

२. नेपाली काँग्रेसया उम्मेदवार नवीन्द्रराज जोशी जक प्रमुख प्रतिद्वन्दी खः ।

३. थन निगु विश्वसम्पदा लानाच्वंगु दु । थुकिया पुन:निर्माण व पुन:संरचनाया नामय गुगु कमिशन नयगु ज्या जुयाच्वंगु दु, उकियात बन्द यायगु जुइ । भित्री शहरय भुखाचं स्यंगु छँया निर्माण सम्पन्न याकेगु नितिं राज्यपाखे बीमा:गु ग्वाहालि, सुविधाया नितिं पहल यायगु, लँया सुधार यायगु नामं दयकेगु व ल:या समस्यायात ज्यंकेगु नितिं पहल यायगु जुइ ।

भीगु क्षेत्रय यक्व हे ल्वहीहितत दु, व फुक्क सुनावनाच्वंगु दु । लोकहवा:गु क्वहित, मरुहितिलिसें थीथी ल्वहीहितत दु, अन ल: वयकेगु व उकियात मुंका: ल:या समस्या म्हो यायगु नितिं ज्या यायगु जुइ । अथे ला उगु हितिइ ल: हायाच्वंगु गुलि बांला: खनेदइ ।

अथेहे मनूतयगु लजगा:या नितिं पहल यायगु जुइ । संसदय राज्यपक्षं मखुगु खँ या:सा उकिया नितिं स: तयगु जुइ । जि छम्ह येँ शहरयात जक मखु, समग्र क्षेत्रया प्रतिनिधित्व याइगु जगुलिं थनया फुक्क समस्या ज्यंकेगु जिगु दायित्व नं खः । विशेषयाना: थुगु क्षेत्रय दुगु संस्कृति, सम्पदात ल्यंकातयगु व प्रबर्द्धनया नितिं ज्या यायगु जुइ ।

## नविन्द्रराज जोशी

नेपाली काँग्रेस उम्मेदवार, प्रतिनिधि सभा क्षेत्र नं ८, येँ ।

१. थ्व लोकतन्त्रया आन्दोलन नेपा:या जनतापिन्सं यात । वि.सं. २०४६सालय शिखर पुरुष गणेशमान सिंहया नेतृत्वय लोकतन्त्रया स्थापना यात । थ्व संविधानं लोकतन्त्रया स्थायित्वया नितिं कार्यान्वयन नं जुयाच्वंगु दु । छगु छु धा:सा थ्व मूलभूत शासन हे लोकतन्त्र जुइ धका: जिमिसं निर्णय याना । आ: विशेषयाना: वामगठबन्धनं व्यवस्था हे परिवर्तन यायमा:, न्हयागु नं परिवर्तन जुइफु धइगु खँ वल । थ्व छगूकथं लोकतन्त्रया हे अ:खः जूवनीगु जुल थन । मूखँ लोकतन्त्र बचे यायमाल, लोकतन्त्र स्थायीत्वया नितिं यायमाल ।

मूलभूत शासन लोकतन्त्र खः धका: माने यायधुंकेगु अवस्थाय संविधानय हे मूलभूत शासन लोकतन्त्र खः धका: धायधुंका: उकियात कया: विवाद यायमज्यू धइगु खँ ज्वना: उम्मेदवारी बियागु खः ।

निगूकथं इमान्दारीपूर्वक राजनीतिइ न्हयज्याय मा: । बिचारय प्रष्टता मा:, राजनीतिइ इमान्दारीता मा: धका: धया वयाच्वनागु खः । अथेहे जनता व जनप्रतिनिधि दथुइ स्वापू गथे जुइमा: धाय बलय जिगु विचारय पारिवारीक स्वापू दयमा: । भीसं जनतापिंपाखे शक्ति कायगु खः धइगु जिगु बिचा: खः । उमिपाखे हे शक्ति कया: थ:गु पार्टीइ व संसदय गथेयाना: बांलाक्क खँ तयगु खः धइगु जिगु मान्यता खः, वह कथं ज्या यानाच्वनागु दु । अथेहे इमान्दारीपूर्वक निर्णय यायगु नितिं शक्ति बीमा: धका: सकसिके आशीर्वाद कयाच्वना ।

२. चुनाव खः, जनतां हे निर्णय याइगु खः । जनतापिन्सं याइगु निर्णययात हे माने यायगु खः । थ्वहे धइगु मडु ।

३. स्थानीय भाषा, संस्कृति, गाजाबाजा, सम्पदा तसकं महत्वपूर्ण खः । थुकिया नितिं सांसदकोषपाखे नं भचाभचा ग्वाहालि बीगु ज्या जूगु खः । मुख्य ला फुक्कसिया शिक्षा व स्वास्थ्यय पहुँच दयमा: । गुणस्तरीय शिक्षा काय दया: । सामुदायिक विद्यालयस नं शिक्षाया गुणस्तर



थकायमा: धइगु खः । भ्र(िथाय ल:या समस्या दु, ध:या समस्या दु, आ: वइगु न्यादँया दुने ल:, ध:, सतकया पूर्वक हे समस्या समाधान यायगु धइगु जिगु योजना खः ।

अथेहे उद्यमी मिसापिनिगु नितिं स्वरोजगार व ल्यायम्हतयगु नितिं लजगा:या व्यवस्था गुकथं व्यवस्थापन यायफइ धइगु नीति हयत कुत: नं यानागु खः । लजगा:या नितिं बन्द जुयाच्वंगु फुक्क कलकारखाना चायकेमा: धयाकथं ज्या यानागु खः । उगु कारखानाया नितिं छगूकथं प्रतिबद्धता नं वयधुंकेगु खः । जिं हिसाव याना, २८ खरब दां लगानी जूसा, इमान्दारीपूर्वक राजनीति जूसा भिदँया दुने फुक्क ल्यायम्हपिन्त लजगा:या व्यवस्था यायत फइ ।

लोकतन्त्रया मुद्दा, न्हूगु मान्यताया मुद्दा, स्थानीय समस्या सहमतिकथं वनेमा:गु खः, तर १४दँ तकया अवस्थाय आ:तक बांला:गु अवस्था मडु । सरकारं छुं यायफइमखु, पफुक्क नगरपालिकाया योजना खः । जिं छु धाय धा:सा निदँया ई बिया: महानगरपालिकायात बांलाक्क ज्या याकेब्यू । यदि बांला:सा पाय्छि हे जुल । मखुसा सरकारं विशेष योजना धका: हया: अनया समस्या ज्यंकेगु, विकास यायमा: ।

# यु-१९ एसिया कप छनोट कासा लुमंकेबहःगु नेपाःया प्रदर्शन



प्रतीत शाक्य

एसियाली स्तरया फुटबल्यु नेपाःया सिनियर टिमपाखें गबलें आशा काःगु खनेमदु । एसियाया तःधंगु टिम व नेपाःया फुटबल स्तर्यु अफ नं यक्व हे 'ग्याप' दनि । थुगु वालयु क्वचाःगु एएफसी यु-१९ एसिया कप छनोट कासाया 'ए' पुचलयु थ्व हे साबित जुल ।

एएफसी यु-१९ एसिया कपया निति न्यागु टिमया भिगु पुचः दयकाः ल्यज्या कासा म्हितकूगु खः । गुकी समूह विजेतया नापनापं थीथी पुचःया उत्कृष्ट न्यागु उप-विजेता पुचःयात नं यु-१९ एसिया कपया निति ल्ययगु प्रावधान तयातःगु खः । अथेहे इण्डोनेसिया धाःसा ग्वसाः खलःया ल्याखं स्वतः ल्यःगु खः ।

नेपाः 'ए' पुचलयु लाःगु खः, गुगु पुचलयु संयुक्त अरब इमिरेट्स, बहराइन, ओमान, किर्गिस्तान दुथ्यानाच्वंगु खः । थुगु प्यंगु हे देश एसियाली फुटबल्यु नांजाःगु देयु खः । प्रशिक्षक छिरिङ लोप्साङ्ग एसिया कप्यु छनोट जुइगु लक्ष्य दु धाःसां नं नेपाल थुगु पुचः पार याइ धइगु खँय सुना नं विश्वास मयागु खः । सन् २००८निसें न्ह्याःगु एसिया यु-१९यु आःतक नेपाल छक्कः हे जक त्याकूगु दु । सन् २०१०यु यँया दशरथ रङ्गशालायु जूगु कासायु किर्गिस्तानयात बुकेधुंकाः नेपाल मदिकक भिगु कासायु पराजय फयसाःगु खः ।

अथेखःसां नेपाल थुगु देशयात तसकं हाथ्याः बी व म्होति नं छगु कासा त्याकी धइगु अपेक्षा फुक्कस्यां याःगु खः । थथे बिचाः याइगु स्वभाविक नं खः । वंगु

महिनायु जक नेपाः थुगु उमेर पुचलयु 'साफ च्याम्पियन' जुयाः एसिया कपया छनोट कासा म्हितेत योग्य जूगु खः । अफ धायगु खःसा नेपाल उगु उपाधिया रक्षा तर्क याःगु खः । उमेर पुचलयु नेपाल तःधंगु देशयात न्हापा नं हाथ्याः मब्यगु मखु । अफ नेपाल निदैं न्ह्यः किर्गिस्तानयु हे जूगु एएफसी यु-१९ छनोट कासा म्हितगु खः । उगु इलयु म्हितूपिं अप्वः धइथे कासामित हे थुगुसिया यु-१९ टिमयु दुगु खः । नेपाःया कासामित किर्गिस्तानया लकस व कासाख्यःलिसे चिरपरिचित जुयाच्वंगु खः । गुकि कासायु नेपाःया निति ग्वाहालि जुइगु विश्वास काःगु खः ।

तर किर्गिस्तानया यात्रायात नेपाःया फुटबलयु 'ताःमलाःगु यात्रा' कथं लुमना च्वनी । नेपाः गुकथं कासा

## युएइलिसे बुइवं नेपाःया जहाज अन्तिम कासा म्हिते न्ह्यः हे दुन । युएइलिसेया कासापाखें नेपाःया पुचःया मनोबल थाहां वनेमाःगु खः ।

पिहां वन, व लुमंकेबहःजू । नेपाल प्यंगु कासायु मुक्कं १२गु गोल नल, तर छगु नं गोल यायुमफुत । थुगुसी नेपाल कासा त्याके मफूगु जक मखु, ल्या कायगु नापं छगु हे गोल तर्क यायुमफूगु खः ।

न्हापांगु कासायु नेपाल ग्वसाः देयु किर्गिस्तानलिसे निगु गोल बूगु खः । घरेलु पुचः बिरुद्ध नेपाल शुरुया २० गू मिनेट नियन्त्रणयु तःगु खः, तर गोल धाःसा किर्गिस्तान यात । व लिपा नं टक्कर ब्यगु नेपाल इन्जुरी इलयु गोल नयुमाल । बहराइन बिरुद्धया निगुगु कासायु नेपाः ४गु गोल बुत । थुगु कासा बुइवं हे नेपाल एसिया कपयु छनोट जुइत थाकूगु खः । थुगु कासाया अन्तिम इलयु नेपाःया दिनेश हेमजानं ह्याउंगु कार्ड नयुमाल ।

संयुक्त अरब इमिरेट्स थुगु पुचःया दकलयु बल्लाःगु विपक्षी खः । तर थुगु कासायु धाःसा नेपाःया प्रदर्शन



तुलनात्मककथं बांलात । कासाया ७१गुगु मिनेटयु खलफान हसन अल हमादीं याःगु गोल जक कासायु छिनोफानो जूगु खः । थुगु कासायु नेपालयात गोल यायुगु ह्वःताः चूमलाःगु मखु, तर अभिषेक रिजालं पेनाल्टीया सदुपयोग यायुमफुत ।

युएइलिसे बुइवं नेपाःया जहाज अन्तिम कासा म्हिते न्ह्यः हे दुन । युएइलिसेया कासापाखें नेपाःया पुचःया मनोबल थाहां वनेमाःगु खः । ओमानलिसेया कासायु नेपाःयात दबाब नं मदुगु खः । अथेखःसां नेपाः ओमानलिसे ५गु गोलया अन्तरं बुत ।


धाइ, उमेर पुचलयु लिच्वः स्वयां प्रदर्शनयात स्वयु माः । थ्व फुटबल कासामितयुत अनुभव याकाः परिस्कृत

यायुगु ई खः । नेपाःया उमेर पुचलयु अप्वः धइथे एन्फा एकेडेमिया कासामितयुगु हे बर्चश्व दइगु खः । आः पिने देशयु थें 'ए' डिभिजनया क्लबं एकेडेमि चायुकेगु तसकं हे आवश्यक जुइधुंकाःगु दु । नेपाःया फुटबल पूर्वक हे व्यावसायिक मजुनिगु अवस्थायु क्लबतयुत एकेडेमि चायुकेत आर्थिककथं बोभ धाःसा जुइफु । थ्व हे सन्दर्भयु छु धायुफइ धाःसा एन्फा निश्चित धेबा बियाः जिल्ला, जिल्लायु अथवा शीर्ष डिभिजनया क्लबयात एकेडेमि चायुकेत ग्वाहालि यायुफइ । शीर्ष क्लबं नं थुकियात थःगु जिम्मेवारीकथं कायुमाःगु ई वयुधुंकाःगु दु । थथे जूसा नेपाःया उमेर पुचःया टिम सायद थ्व स्वयां नं बांलाइगु खः ।



## १ लाख मन्दा घेरै ग्राहकहरुले रुचाएको RBB Mobile Banking अब बनेको छ Smart !

- SMS र Internet दुबै बाट चल्ने
- आफ्नो खाताको हरपल जानकारी लिने सरल तथा सुरक्षित माध्यम
- RBB को कुनै पनि खाताका साथै अन्य ४०+ बैंकहरुमा मोबाईलबाटै रकम स्थानान्तरण गर्न सकिने
- NTC/Ncell को Topup मा पाउनुहोस् २% छुट
- आफु नजिकको शाखा तथा ATM म्याप हेरी तुरुन्तै पत्ता लाग्नुहोस्
- घरमै बसी गर्नुहोस् Dish Home तथा अन्य थुप्रै सुविधाहरुको Payment



लागू पदार्थ सेवन, गयो अमूल्य जीवन । हाम्रो चाहना, लागू पदार्थ रहित समाजको सिर्जना । असल साथीले लागू औषध खान आग्रह गर्दैन ।

लागू पदार्थ सेवन, वन अमूल्य जीवन । भोग्नु चाहना, लागू पदार्थ रहित समाजया सिर्जना । भिन्दा पासं लागू औषध छ्यलेत इनाप याइमखु ।



नेपाल सरकार  
सूचना तथा सञ्चार मन्त्रालय  
सूचना विभाग



**Sweet Cave**

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरुको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।

आउटडोर भेज क्वार्टरिङ पनि गरिन्छ ।



**Raastriya Banijya Bank Ltd.**  
Central Office Singhadurbar Plaza, Kathmandu  
Tel: (977-1) 425-2595  
Fax: (977-1) 425-2931  
E-mail: complain@rbb.com.np

**मिसा नेतृत्व बिकास तालिम क्वचाल**

यैँ । बालकुमारी महिला समाजया ग्वसालय 'मिसा नेतृत्व बिकास व उद्घोषण' प्रशिक्षण ज्याइव: जुल । फिन्हतक न्ह्या:गु उगु तालिमय सहभागी जूपिन्त कम्युनिटी सर्भिस डाइरेक्टर अफ रोटरी क्लब नापं इण्डिजिनियस टेलिभिजनया ज्याइव: न्ह्याकामि श्रीजया शाक्यं प्रशिक्षण बियादीगु ख: ।

प्रशिक्षण ज्याइवल्यु ब्वति कयादीपिन्त मूपाहाकथं भायादीमह थिमि नगरपालिका वडा ल्या: ४या नाय: कुमार श्रेष्ठ दसिपौ बियादीगु ख: । वंगु ने.सं. ११३८ कछलाथ्व अष्टमिनिसं न्ह्या:गु उगु प्रशिक्षणय मुक्कं निम्ह प्रशिक्षार्थीपिन्सं ब्वति कयादीगु ख: ।

**ख्वप सुनचाँदी व्यवसायी संघया प्यक्व:गु दँमुँज्या क्वचाल ।**



यैँ । ख्वप सुनचाँदी व्यवसायी संघया प्यक्व:गु दँ मुँज्या ख्वपया जगातिइ छगु ज्याइव:या दथुइ जगु दु । मूपाहां नेपाल सुनचाँदी व्यवसायी महासंघया नाय: मोहनकुमार विक नं ज्याइव:या उलेज्या यानादीगु ख: । वयकल लुँ व्यवसायीपिनिगु निति अलग हे सरकारी ऐन नीति मदुगु हुनि व्यवसायीत मारय लानाच्वंगु खँ न्ह्यथनादिल । थ्वहे इवल्यु 'रत्न पत्थर वर्गीकरण व पहिचान'या फिन्त्यान्हुतक जगु प्रशिक्षण ज्याइवल्यु ब्वति कयादीपिन्त मूपाहापाखे दसिपौ नं ल:ल्हानादीगु ख: ।

ख्वप सुनचाँदी व्यवसायी संघया नाय: पद्मसुन्दर शाक्यया सभाध्यक्षताय जगु उगु ज्याइवल्यु नेपाल सुनचाँदी व्यवसायी महासंघया केन्द्रीय पदाधिकारीपिं, सल्लाहकारलिसें यैँ, यलया नाय:पिं, थीथी जिल्लाया प्रतिनिधिपिं, नेपाल उद्योग बाणिज्य महासंघया प्रतिनिधि, रत्नपत्थर विज्ञ अथेहे स्थानीय प्रतिनिधिपिनिगु ब्वति दुगु ख: ।

**'ललितपुर बिकासका लागि समाज'या ११क्व:गु दँमुँज्या**

यैँ । यलया थीथी ऐतिहासिक सम्पदा, बौद्ध विहारया पुन:निर्माणय सक्रिय 'ललितपुर बिकासका लागि समाज'या ११क्व:गु दँमुँज्या जुल । १०दँ न्ह्य:निसें भारतीय राजदुतावासया ग्वाहालि कया: यलया



ऐतिहासिक सम्पदा, बौद्ध विहारया पुन:निर्माणया ज्याय सक्रिय जुयावयाच्वंगु उगु समाज थ:गु ५५ करोडया नियमित बजेटयात थुगुसी २८गु करोड ७५ लख बजेट प्रस्तावित या:गु दु । ज्याइवल्यु समाजया नाय: बुद्धिराज बज्राचार्य उगु बजेट न्ह्यब्वयादीगु ख:सा प्रस्तावित योजनाय हिरण्यवर्ण महाविहार, गुईत बही व दीगी, नापीचन्द्र महाविहार, कुमारी छैँ, गोपीचन्द्र महाविहार, जेष्ठवर्ण महाविहारलिसेंया बौद्ध विहार, थीथी फल्चा व देग:या पुन:निर्माण दुथ्या: ।

उगु दँमुँज्याय नेपा:या निति भारतीय राजदूत मञ्जिभ सिंह पुरी मूपाहाकथं भायादीगु ख:सा उगु ज्याइव:स सल्लाहकार परिषद्दया नाय: रामलाल श्रेष्ठ, अम्बिका श्रेष्ठ, मानार्थ दुज:पिं एनआरएनया संस्थापक नाय: उपेन्द्र महतो व पुरातत्व विभागया महानिर्देशक भेषनारायण दाहाल नुग:खँ तयादीगु । ज्याइवल्यु सभासद चन्द्र महर्जन, सिद्धिलाल सिं, पूर्व प्रधानसेनापति रुकमांगत कटवाललिसें थीथी समाजया प्रतिनिधिपिनिगु उपस्थिति दुगु ख: ।

**सूचना विभागया 'सेवाकालीन पत्रकारिता तालिम'**



यैँ । थीथी सञ्चारमाध्यमय आवद्ध सञ्चारक:मीपिनिगु क्षमता अभिवृद्धिया निति सूचना विभागया ग्वसा: व नेपाल पत्रकार महासंघ, यल शाखाया संयोजनय ३३ह्या सेवाकालीन पत्रकारिता तालिम ज्याइव: क्वचा:गु दु ।

उगु प्रशिक्षण ज्याइव:या उलेज्या मूपाहां सूचना तथा सञ्चार मन्त्रालयया सचिव केदारबहादुर अधिकारी यानादीगु ख: । उलेज्या यानादिसें अधिकारी सूचना प्रवाहया प्रभावकारीतायालागि अन्तराष्ट्रिय स्तरया प्रतिष्ठान दय्केगु सोच बिकास जुयाच्वंगु जानकारी बियादिसें देय्या ४गुगु अंग स्वशासित जुइगु हुनि समयसापेक्ष आचारसंहिताया परिमार्जन आवश्यक जुगु, उकिनं प्रादेशिक स्वरूपय जुइगु भाषिक पत्रकारिताया

सवाल्यु ज्या याय्मा:गु खँ न्ह्यथनादिल । ज्याइवल्यु सूचना विभागया महानिर्देशक बीर बहादुर राई विभागपाखे जुयाच्वंगु गतिविधिया जानकारी बियादिल । ज्याइवल्यु पत्रकार महासंघया केन्द्रीय दुज:नापं यल कचाया निवर्तमान नाय: ज्ञानप्रसाद पौडेल स्वन्हुतक जुइगु तालिमया तातुना व प्रशिक्षण तालिमयात कया: न्ववानादीगु ख: मू प्रशिक्षक आचार्यलिसें वरिष्ठ पत्रकार एवं नागरिक दैनिकया सम्पादक गुणराज लुईटेल, गोरखापत्रया पुलांमह सम्पादक पुष्करभक्त माथेमा, वरिष्ठ पत्रकार शिव गाउँले प्रशिक्षण बियादीगु ख: ।

पत्रकार महासंघ यल कचाया छ्याञ्जे सविन शर्मा न्ह्याकादीगु ज्याइवल्यु लसकुस प्रशिक्षक सुरेष्ठ आचार्य बियादीगु ख: । थीथी पत्रपत्रिका, अनलाईन व टेलिभिजनय आबद्ध ४०मह मल्याक सञ्चारक:मिपिन्सं उगु तालिमय ब्वतिका:गु ख: । स्वन्हुतक न्ह्या:गु पत्रकार सेवाकालिन तालिमय डा. सुरेश आचार्य मिडिया प्रविति, गुणराज लुईटेल सत्य तथ्य समाचार, पुष्कर माथेमा भाषा सम्पादन व शिव गाउँले आचार संहितायाबारे प्रशिक्षण सेनादीगु ख:सा सकसित सुचना विभागया महानिर्देशक बीरबहादुर राई व मू प्रशिक्षक डा. सुरेश आचार्य दसिपौ ल:ल्हानादीगु ख: ।

**थक्वातं न्ह्यात " नेवा: बस्ती नेवा: एफएम प्रतिभा अभियान "**



यैँ । नेवा: वस्ती नेवा: एफएम प्रतिभा अभियान वंगु शनिवा:निसें स्वनिगलय न्हापाखुसि मानव वस्ती जगु लागु कथं नालात:गु थक्वातं न्ह्या:गु दु । नेवा: एफ एम १०६.६ मेगाहर्ज्या संयोजनय नेवा:तयगु वस्ती-वस्तीइ वना अनया नेवा:तयगु प्रतिभा न्ह्यब्वयगु नापं स्थानीय समस्यानिसें ऐतिहासिक नापं सांस्कृतिक व थीथी पक्षयात विश्वय थ्यंकेगु आज्जु तया: उकथंया अभियान न्ह्याकगु ख: ।

उगु ज्याइव: थक्वा:या ऐतिहासिक लागु "इयालं फल्चा"यु हलिं नेवा: गुथि थक्वा: कचा, हलिं नेवा: गुथि थानकोट कचा, हलिं नेवा: गुथि सोनितपुर कचा व श्री आदिनारायण भजन मण्डलया मंका: ग्वसालय जगु ख: । हलिं नेवा: गुथि थक्वा: कचाया नाय: महेश्वर श्रेष्ठया सभाध्यक्षताय जगु उगु ज्याइवल्यु नेवा: एफएम मया प्रवन्ध निर्देशकलिसें नेवा: पत्रकार राष्ट्रिय दब्या केन्द्रीय नाय: श्रीकृष्ण महर्जन लय लय पतिकं दकलय लिपांगु शनिवा: थीथी नेवा: वस्तीइ वना: नेवा: एफ एमपाखे प्रत्यक्ष प्रशारण याना: थुगु अभियान न्ह्याकेगु

धयादिसें नेवा: एफएमया आधिकारिक वेबसाइटपाखे विश्वन्यंकं हे नेवा:तयगु वस्तीया स: थ्वयेकेगु अभियानया रूपय न्ह्याकागु ख: धयादिल ।

हलिं नेवा: गुथिया केन्द्रीय नाय: शान्तप्रकाश श्रेष्ठ मूपाहाकथं भायादीगु उगु ज्याइवल्यु हलिं नेवा: गुथि थानकोट कचाया नाय: विष्णुभक्त गोपाली, हलिं नेवा: गुथि सोनितपुर कचाया नाय: ईश्वर श्रेष्ठ व श्री आदिनारायण भजन मण्डलपाखे इन्द्रबहादुर श्रेष्ठ थ:थ:गु नुग:खँ तयादीगु ख:सा श्री आदिनारायण भजन मण्डलया प्रतिनिधि नापं बरिष्ठ संगीतकार धनबहादुर गोपाली लसकुस यानादीगु ख: ।

विनिता महर्जन व विनिता श्रेष्ठ न्ह्याकादीगु उगु ज्याइवल्यु थक्वा:या कलाकारपिन्सं सांगीतिक ज्याइव: नं या:गु ख: ।

**नेवा: प्रदेश सुनिश्चितता बीम्ह उम्मेदवार ल्ययुत ह्याउँनिभा:या इनाप**



यैँ । ह्याउँनिभा: पुचलं न्ह्य:ने वयाच्वंगु प्रतिनिधि सभा व प्रदेश सभा निर्वाचनय नेवा: प्रदेश सुनिश्चितताया ग्यारेन्टी बीम्ह उम्मेदवारयात हे भोट बीत आह्वान या:गु दु । यैँयु संचारक:मिपिंलिसे अन्तर्क्रिया ज्याइव:या ग्वसा: ग्वसें ह्याउँनिभा: पुचलं मतदातापिन्सं नेवा: राज्य स्थापनाया खँयु प्रतिवद्ध लिसें सडक विस्तारं पीडित आमनेवा:या घालयु मल्हम तयुकेफुम्ह उम्मेदवार ल्ययुत आह्वान या:गु ख: । पुच:या कजि राकेश मार्के थ:म्हं ल्यइम्ह उम्मेदवार नेवा:तयगु आर्थिक व सामाजिक बिकास यायेगुलिइ प्रतिवद्ध ख: कि मखु धइगु खँयात ध्यानयु तयुत नं इनाप यानादिल ।

संचारक:मिपिनिगु न्ह्यस:या लिस: बियादिसें सुवालं नेवा: हक अधिकारया मुदायु प्रतिवद्ध गुगु नं पार्टीया उम्मेदवारयात त्याकेगु लकस ब्वलंकेगु निति थ:पिं सक्रिय जुइगु धयादिल । अथे हे पुच:या संस्थापक नाय: मनरत्न शाक्य व पूर्व मू छ्याञ्जे यादवप्रसाद रन्जीतं पुच:पाखे निर्वाचनया इवल्यु थ:पिनिगु तयारी व रणनीतियात कया: न्ववानादीगु ख: ।

ने.सं.११०यु ह्याउँनिभा: नेपालभाषा ग्वाहालि पुच:या नामं स्थापना जुया: नेवा: साहित्य ख्यलयु सक्रिय जुयाच्वंगु संस्था थौंकन्हयु ह्याउँनिभा: पुच: नामं विशेष रूपयु नेवा:तयगु आर्थिक मुदायु केन्द्रित जुया: थीथी ज्याइव:त याना वयाच्वंगु दु ।

**चुनाव...**

थुगु ल्याखं स्वल धा:सा थौंकन्हयु नेपाली कांग्रेस वाम गठबन्धन विरुद्ध गुगु कथं क्वहां व:गु दु उगु कथं वाम गठबन्धनया नेतात कांग्रेस विरुद्ध क्वहांव:गु खने मदु ।

न्ह्यागु हे जूसां आखिर चुनावं वाम गठबन्धन व कांग्रेस मध्ये छ्यायात न्हापांगु शक्ति अले मेगु शक्तियात निगुगु शक्तिया रूपयु जनतां स्थापित याइगु अवस्थायात सुना नं अस्वीकार यायुफइगु अवस्था धा:सा मदु । अले संघीय समाजवादी फोरम, राजपा, जनजातिया पार्टीत नापं याना पहिचानवादीतयगु छगु शक्तिया रूपयु स्थापित जुइ थुगुसीया चुनावं ।

थ्व ल्याखं स्वल धा:सा चुनावं लिपा स्वंगु शक्ति दइ । वाम शक्ति, कांग्रेस शक्ति व पहिचानवादी शक्ति ख: । थ्व स्वंगु

शक्तिपाखे गुलि गुलि सिट त्याकीगु ख: उकिया आधारयु हे मुलुक न्ह्या: वनी । अले थ्व हे स्वंगु शक्तिया समिकरणया आधारयु सरकार निर्माण, मुख्य मन्त्री ल्ययुगुनिसें संविधान संशोधनया सवालनिसें फुकक खँयु प्रभावित जुइ ।

**थ:पिनिगु...**

लागायु चुनावी अभियानय वनाचवनादीमह एमालेया अध्यक्ष केपी शर्मा ओलीयात उगु बुखँ न्यंकल । अले अजूचाया धयादिल थ:गु पार्टीया नेतातयुत जिं मस्यु धका: धयादिल । अले तत्काल हे माओवादी केन्द्रया अध्यक्ष प्रचण्डयात ओली फोनयाना समाचारया बारे कनादिल । प्रचण्ड नं उगु खँ न्यना अजूचाल । निम्हं फोनयु खँ ल्हाल्हां

न्हिलादिल । थ:पिन्सं नेतृत्व यानाचवनागु पार्टी अले थ:पिं एकताया निति न्ह्या: वनाचवनागु अवस्थायु थ:पिन्सं हे मसिइक मंसीर ९ गते पार्टी एकीकरण जुइन धका: समाचार व:गुलिं वयुक:पिं निम्हं अजूचाइगु स्वाभाविक हे ख: । अनं लिपा ला एमालेया अध्यक्ष ओली तत्काल हे लिस: बियादी कि कम्युनिष्टत छपं मयाकेगु खेल धका: ।

**'नेवा:'यु...**

घोषणापती बाम व लोकतन्त्रवादी निगु अलग अलग विचारधाराया गठबन्धन जूसां नं आदिवासी जनजाति, मधेसीलिसें उत्पीडित समुदायया मुदाया सवालयु निगुलिं गठबन्धनया बिचारयु खास हे मपा:गु न्ह्यथनात:गु दु । घोषणापती न्ह्यथनात:गु दु, थुगु गठबन्धनं निगु दलीय तानाशाह हावी

जुइगु खतरा दु । बहुल जाति, बहुल विचा: दुगु देशयु निगु दलं जक शासन न्ह्याकेगु धइगु मेमेगु जाति व विचा:यात न्हंका छु वयगु म्यानापूगु षडयन्त्र ख: ।'

नेरापां थीथी उतारचढावया बाबजूद नं उम्मेदवारी बियागु न्हयथंगु दु । पार्टीया संस्थापक नाय: डा. केशवमान शाक्यलिसेंया संस्थापक नेतात डा. बाबुराम भट्टराई नेतृत्वया न्हूगु शक्तिइ दुहां वनेवं पार्टी कमजोर जुगु ख: । व लिपा हे पार्टीया छम्ह जक सांसद लक्ष्मण राजवंशी मधेश आन्दोलन व राष्ट्रियताया विषयस पार्टी नीति अ:ख: न्ववा:गु धासें पार्टीपाखे पित्युंगु ख: । अनलिं नाय: डा. सैजु पार्टी न्ह्याका वयाचवनादीगु ख: ।

सार्वजनिक या:गु घोषणापती प्रदेश नं ३या जातीय बनेट व आर्थिक सम्भावनायात नं दुथ्याकात:गु दु । अथेहे प्रत्येक प्रदेशयु

दुगु मौलिक पहिचानयात म्वाकातयगु व प्रदेश दुनेया स:यात थकायुगु निति पार्टी उम्मेदवारी ब्युगु नं न्ह्यथनात:गु दु । संविधान संशोधनपाखे पहिचान, जातीय, भाषिक समानता सम्बोधन यायुगु लक्ष्ययालिसें पार्टी उम्मेदवारी ब्युगु नं न्ह्यथनात:गु दु ।

अथेहे घोषणापती आदिवासी, जनजाति, मधेसी, दलित समुदायया अधिकार सुनिश्चित यायुगु, प्रदेश नं ३ यु नेपालभाषा व तामाङ भाषाया नं सरकारी ज्याखँया भाषाकथं मान्यता बीकेगु, आर्थिक समृद्धिया निति विभेद मदुगु समाज दय्केगु, स्वदेशयु हे लजगा: सिर्जना यायुगु, कृषिइ आधारित अर्थतन्त्र दय्केगु, चीन व भारतया आर्थिक ताँकथं ज्या यायुगु, राज्यया निकायस समानुपातिक प्रतिनिधित्व सुनिश्चित यायुगु प्रतिबद्धता प्वकात:गु दु ।

## शाक्य फाउण्डेशनपाखें येंया प्रमुखयात हन

यें । शाक्य फाउण्डेशन नेपाल न्हूदें नेपाल सम्बत् ११३८या लसताय् भिन्तुना कालबिल ज्याइवः याःगु दु । उगु ज्याइवल्य् यें महानगरपालिकाया प्रमुख विद्यासुन्दर शाक्ययात नं हनेगु ज्या जुल ।

ज्याइवल्य् सम्मानित प्रमुख शाक्य येंया कला व संस्कृतिया संरक्षण व सम्बर्द्धन यायगु न्हापांगु प्राथमिकताय् दुगु व थनया

बहाःबहीकथं म्हसीका वयाच्चंगु महाविहारया जीर्णोद्धारया योजना व बजेट विनियोजन यायगु ज्या जूगु धयादिल ।

फाउण्डेशनया नायः अमीरमान शाक्यया सभाध्यक्षताय् जूगु उगु ज्याइवल्य् सल्लाहकार देवकाजी शाक्य, न्वकू राजकाजी शाक्य, न्हूदें राष्ट्रिय समारोह समितिया सुजीव बज्राचार्य थःथःगु नुगःखें तयादीगु खः ।

ज्याइवल्य् १६गू बही सर्वसंघया मू थकालि अष्टान शाक्य व कीर्तिपूण्य महाविहार लगं बहाःया स्थावर ज्ञानमान शाक्ययात मानार्थ आजीवन दुजः लःल्हाःगु खःसा फाउण्डेशनया आजीवन दुजः जुयाः थीथी महाविहार व संघसंस्थाया नेतृत्व यानाः शाक्य समुदाय व बुद्धधर्मया प्रबर्द्धनय् योगदान बियादीपिन्त नं हनेगु ज्या जूगु खः ।



नेपाली काँग्रेसया प्रतिनिधि सभा क्षेत्र नं. ८ या प्रत्यक्ष उम्मेदवार **नविन्द्रराज जोशी** यात सिमा चिंल्य् छाप तथा अत्याधिक मतं त्याकादिसैं ।



**नेपाली काँग्रेस**

यें क्षेत्र नं. ८ चुनाव प्रचार प्रसार समिति



चुनाव चि



नेपाली काँग्रेसया प्रदेश सभा क्षेत्र नं. ८(क) या प्रत्यक्ष उम्मेदवार **राज्य लक्ष्मी श्रेष्ठ** यात सिमा चिंल्य् छाप तथा अत्याधिक मतं त्याकादिसैं ।



**नेपाली काँग्रेस**

यें क्षेत्र नं. ८ चुनाव प्रचार प्रसार समिति



चुनाव चि



वाम गठबन्धनका साभा उम्मेदवार प्रतिनिधि सभा क्षेत्र नं. ८ या प्रत्यक्ष उम्मेदवार **जीवनराम श्रेष्ठ** यात सुर्घः चिंल्य् छाप तथा अत्याधिक मतं त्याकादिसैं ।



**सयुक्त वाम गठबन्धन**

निर्वाचन परिचालन कमिटी, क्षेत्र नं. ८, यें



वाम गठबन्धनका साभा उम्मेदवार प्रदेश सभा क्षेत्र नं. ८(क) या प्रत्यक्ष उम्मेदवार **राजेश शाक्य** यात सुर्घः चिंल्य् छाप तथा अत्याधिक मतं त्याकादिसैं ।



**सयुक्त वाम गठबन्धन**

निर्वाचन परिचालन कमिटी, क्षेत्र नं. ८, यें



वाम गठबन्धनका साभा उम्मेदवार प्रदेश सभा क्षेत्र नं. ७(क) या प्रत्यक्ष उम्मेदवार **बसन्त मानन्धर** यात सुर्घः चिंल्य् छाप तथा अत्याधिक मतं त्याकादिसैं ।



**सयुक्त वाम गठबन्धन**

निर्वाचन परिचालन कमिटी, क्षेत्र नं. ७, यें



वाम गठबन्धनका साभा उम्मेदवार प्रदेश सभा क्षेत्र नं. ९(क) या प्रत्यक्ष उम्मेदवार **अजयक्रान्ति शाक्य** यात सुर्घः चिंल्य् छाप तथा अत्याधिक मतं त्याकादिसैं ।



**सयुक्त वाम गठबन्धन**

निर्वाचन परिचालन कमिटी, क्षेत्र नं. ९, यें



नेपाः राष्ट्रिय पार्टीया प्रदेश सभाया क्षेत्र नं. १० (ख)या प्रत्यक्ष उम्मेदवार **बिष्णुभक्त गोपाली** यात खइजा चिंल्य् छाप तथा अत्याधिक मतं त्याकादिसैं ।



**नेपाः राष्ट्रिय पार्टी**  
**नयाः राष्ट्रिय पार्टी**  
**Nepa Rastriya Party**

यें क्षेत्र नं. १० चुनाव प्रचार प्रसार समिति



चुनाव चि



नेपाः राष्ट्रिय पार्टीया प्रदेश सभाया क्षेत्र नं. ७ (क)या प्रत्यक्ष उम्मेदवार **डा. विजय प्रकास सैजू** यात खइजा चिंल्य् छाप तथा अत्याधिक मतं त्याकादिसैं ।



**नेपाः राष्ट्रिय पार्टी**  
**नयाः राष्ट्रिय पार्टी**  
**Nepa Rastriya Party**

यें क्षेत्र नं. ७ चुनाव प्रचार प्रसार समिति



चुनाव चि



संघीय समाजवादी फोरम नेपाल पार्टीया प्रदेश सभाया क्षेत्र नं. ८ (क)या प्रत्यक्ष उम्मेदवार **मनरत्न शाक्य** यात मसाल चिंल्य् छाप तथा अत्याधिक मतं त्याकादिसैं ।



**संघीय समाजवादी फोरम, नेपाल**

यें क्षेत्र नं. ७ चुनाव प्रचार प्रसार समिति



चुनाव चि

**Q&J DOUBLE ROAD**

DOUBLE ROAD, KAPSEN, HAIDA Brand या Radial टायर व मोटरसाइकलया टायर नेपाःया बजारय्

**साय्मि ट्रेडिङ्ग कम्पनी**

फोन : ०१- ४२७१६०२, मोबाइल नं. : ९८५१०९२५५, ९७४१०२७०८१, इमेल : saymitradingco@gmail.com



फुक्कं कथंया टायरय् ग्यारेन्टी दु ।

